

শ্রীশ্রীগুরু-গৌরাকৌ-জয়তঃ

শ্রীনবদ্বীপ-ভাবতরঙ্গ

পরমহংস ঠাকুর
শ্রীল কেদারনাথ ভক্তিবিনোদ
ঠাকুর বিরচিত

প্রচার সংস্করণ—

শ্রীচৈতন্য-সারস্বত কৃষ্ণানুশীলন সমিতি (রেজিঃ)

৪৮৭ দমদম পার্ক-কলিকাতা-৫৫ ।

শ୍ରীশ୍ରীগুরু-গোରାঙ্গୋ-জয়ତঃ

শ্রীনবদ্বীপ-ভাবতরঙ্গ

পরমহংস ঠাকু
শ্রীল কেদারনাথ ভক্তিবিনোদ
ঠাকুর বিরচিত

প্রচার সংস্করণ—

শ্রীচৈতন্য-সারস্বত কৃষ্ণানুশীলন সঙ্ঘ (রেজিঃ)

৪৮৭ দমদম পার্ক-কলিকাতা-৫৫ ।

সম্পাদক :—
শ্রীপ্রপন্নকৃষ্ণ ব্রহ্মচারী

তাং—শ্রীশ্রীগুরুপূজা-দিবস
৩রা নভেম্বর, ১৯৮৮

প্রাপ্তিস্থান :—
শ্রীচৈতন্য-সারস্বত কৃষ্ণানুশীলন সঙ্ঘ (রেজিঃ)
৪৮৭ দমদম পার্ক-কলিকাতা-৫৫ ।

শ্রীশ্রীগুরু গৌরঙ্গ-জয়তঃ

প্রকাশকের নিবেদন

শ্রীগৌরঙ্গ-পারিষদ শ্রীল ঠাকুর ভক্তি বিনোদের শ্রীনবদ্বীপ ভাব-তরঙ্গের প্রকাশ ও প্রচারের প্রচেষ্টা যাঁহার কৃপায় সম্ভব হইল সেই শ্রীগুরু-পাদপদ্ম ওঁ বিষ্ণুপাদ শ্রীল শ্রীধর দেব গোস্বামী মহারাজের পরম প্রিয় পার্শ্বদ ও বর্তমান সজ্জাচার্য্য পরিত্রাজকাচার্য্য শ্রীমদ্ভক্তি সুন্দর গোবিন্দ মহারাজের প্রতি প্রথমেই আমি আমার সশ্রদ্ধ প্রণতি জ্ঞাপন করি। আমাদের শ্রীল গুরু মহারাজ বলিয়াছেন ঠাকুর ভক্তিবিনোদের গ্রন্থাবলী জগতে যত প্রচারিত হইবে ততই মায়াব প্রভাব ক্ষীণ হইয়া পড়িবে। এইভাবে একটি বন্ধ-জীবের যদি প্রকৃত উপকার আমরা করতে পারি তাহা হইলেই প্রকৃত জীবে দয়ার আদর্শ স্থাপিত হইবে। তাঁহার সেই অমৃত বাণীই আমার একমাত্র আশা-ভরসা। আমার এই প্রচেষ্টা বৈষ্ণবগণের তৃপ্তি-বিধান করিতে করিতে ঠাকুর শ্রীল ভক্তি বিনোদেরও আনন্দ বিধান করুক-এই প্রার্থনা।

ইতি—

বিনীত—

তাং ৩:১১:৮৮-

প্রকাশক—



ঔ বিষ্ণুপাদ

শ্রীল ভক্তিরক্ষক শ্রীধরদেব গোস্বামী মহারাজ



ঔ বিষ্ণুপাদ
সচ্চিদানন্দ শ্রীশ্রীল ভক্তিবিনোদ ঠাকুর

শ্রীশ্রীগুরু-গৌরান্দো-জয়তঃ

শ্রীশ্রীনবদ্বীপ-ভাবতরঙ্গ

সর্বধামশিরোমণি সন্ধিনীবিলাস ।
ষোলক্রোশ নবদ্বীপ চিদানন্দবাস ॥
সর্বতীর্থ-দেব-ঋষি-শ্রুতির বিশ্রাম ।
স্কুরুক্ নয়নে মম নবদ্বীপ ধাম ॥ ১ ॥
মাথুর মণ্ডলে ষোলক্রোশ বৃন্দাবন ॥
গোড়ে নবদ্বীপ তথা দেখুক্ নয়ন ॥
একের প্রকাশ দুই অনাদি চিন্ময় ।
প্রভুর বিলাস-ভেদে শুদ্ধধামদ্বয় ॥ ২ ॥
প্রভুর অচিন্ত্য শক্তি অনাদি চিন্ময়ে ।
জীব নিস্তারিতে আনে প্রপঞ্চ-নিলয়ে ॥
সেই কৃষ্ণকৃপাবলে জড়-বদ্ধ জন ।
বৃন্দাবন নবদ্বীপ করুক দর্শন ॥ ৩ ॥
যোগ্যতা লভিয়া সব জীবেন্দ্রিয়গণ ।
চিন্ময় বিশেষ সুধা করে আশ্বাদন ॥

অযোগ্য ইন্দ্রিয় তাহা আশ্বাদিতে নারে ।
ক্ষুদ্র জড় বলি' তারে নিন্দে বারে বারে ॥ ৪ ॥

কৃষ্ণ কৃষ্ণভক্ত-কৃপা যোগ্যতা কারণ ।
জীবে দয়া সাধুসঙ্গে লভে ভক্তজন ॥
জ্ঞানকর্মযোগে সেই যোগ্যতা না হয় ।
শ্রদ্ধাবলে সাধুসঙ্গে করে জড় জয় ॥ ৫ ॥

জড় জাল জীবেন্দ্রিয়ে ছাড়ে যেই ক্ষণ ।
জীবচক্ষু করে ধাম-শোভা দরশন ॥
আহা কবে সে অবস্থা হইবে আমারে ।
দেখিব শ্রীনবদ্বীপ জড়মায়া পারে ॥ ৬ ॥

অষ্টদলপদ্মনিভ ধাম নিরমল ।
কোটিচন্দ্র জোৎস্না জিনি অতীব শীতল ॥
কোটি-সূর্য্য-প্রভা জিনি' অতি তেজময় ।
আমার নয়ন পথে হইবে উদয় ॥ ৭ ॥

অষ্টদ্বীপ অষ্টদল মধ্যে দ্বীপবর ।
অন্তর্দ্বীপ নাম তার অতীব সুন্দর ॥
তা'র মধ্য-ভাগে যোগপীঠ মায়াপুর ।
দেখিয়া আনন্দলাভ করিব প্রচুর ॥ ৮ ॥

ব্রহ্মপুর বলি' শ্রুতিগণ যাকে গায় ।
 মায়াযুক্ত চক্ষুে আহা মায়াপুর ভায় ॥
 সর্বোপরি শ্রীগোকুল নাম মহাবন ।
 যথা নিত্যলীলা করে শ্রীশচীনন্দন ॥ ৯ ॥

ব্রজে সেই খাম গোপ-গোপীগণালয় ।
 নবদ্বীপে শ্রীগোকুল দ্বিজবাস রয় ॥
 জগন্নাথমিশ্রগৃহ পরম পাবন ।
 মায়াপুর-মধ্যে শোভে নিত্য-নিকেতন ॥ ১০ ॥

মায়াজালাবৃত চক্ষুে দেখে ক্ষুদ্রাগার ।
 জড়ময় ভূমি জল দ্রব্য যত আর ॥
 মায়াকুপা করি' জাল উঠায় যখন ।
 আঁখি দেখে সুবিশাল চিন্ময় ভবন ॥ ১১ ॥

যথা নিত্য-মাতাপিতা দাসদাসীগণ ।
 শ্রীগৌরাজে সেবে প্রেমে মত্ত অনুক্ষণ ॥
 লক্ষ্মীবিষ্ণুপ্রিয়া সেবে প্রভুর চরণ ।
 পঞ্চতত্ত্বাত্মক প্রভু অপূর্ব দর্শন ॥ ১২ ॥

নিত্যানন্দ শ্রীঅদ্বৈত সেই মায়াপুরে ।
 গদাধর শ্রীবাসাদি স্থানে স্থানে স্কুরে ॥

অসংখ্য বৈষ্ণবালয় চতুর্দিকে ভায় ।
হেন মায়াপুর কৃপা করুন আমায় ॥ ১৩ ॥

নৈঋতে যমুনা গঙ্গা স্বসৌভাগ্য গণি' ।
নাগরূপে সেবা করে গোরী দ্বিজমণি ॥
ভাগীরথী-তটে বহু ঘাট দেবালয় ।
প্রোঢ়ামায়া বৃদ্ধ শিব উপবনচয় ॥ ১৪ ॥

অসংখ্য ব্রাহ্মণ-গৃহ মায়াপুরে হয় ।
রাজপথ চত্বর বিপিন শিবালয় ॥
পূর্ব দক্ষিণেতে এক সরস্বতী ধার ।
নিরবধি বহে ঈশোদ্যান তটে যার ॥ ১৫ ॥

এসব বৈভব নিত্য চিন্ময় অপার ।
কেন পাবে কলিজীব মায়াবন্ধ ছার ॥
ত্রিনদী-ভাঙ্গন-ছলে লুকাইল মায়া ।
জড় চক্ষু দেখে মাত্র মায়াপুর-ছায়া ॥ ১৬ ॥

সশক্তিক-নিত্যানন্দ-কৃপাবল-ক্রমে ।
স্কুরুক্ নয়নে মায়াপুরী সসম্ভ্রমে ॥
শ্রীগৌরান্দ-গৃহলীলা করি' দরশন ।
অতি ধন্য হউ এই মুঢ় অকিঞ্চন ॥ ১৭ ॥

অস্তদ্বীপ-মধ্যে যেই মায়াপুর-গ্রাম ।

অষ্টদল কমলের কর্ণিকা সে ধাম ॥

গোড়কাস্তি পীত জ্যোতির্নয় সুনির্মল ।

করুন নয়নে মোর সদা বলমল ॥ ১৮ ॥

কোন স্থানে উপবন পৃথু সরোবর ।

গোচারণভূমি কত দেখিতে সুন্দর ॥

প্রবাহপ্রণালী কত শস্যভূমি-খণ্ড ।

রাজপথ বকুল কদম্ব বৃক্ষমণ্ড ॥ ১৯ ॥

তাহার পশ্চিমে জহু-তনয়ার তট ।

শ্রীগঙ্গানগর-নামে প্রসিদ্ধ খর্বট ॥

যথা গঙ্গাদাস-গৃহে বিদ্যানুশীলন ।

করিলেন প্রভু মোর লয়ে দ্বিজজন ॥ ২০ ॥

ভরদ্বাজটীলা তথা দেখিতে সুন্দর ।

গৌর ভজি যথা ভরদ্বাজ মুনিবর ॥

লভিয়া চৈতন্যপ্রেম সূত্র প্রকাশিল ।

কতশত বহিস্মুখ জনে ভক্তি দিল ॥ ২১ ॥

পৃথুকুণ্ড উত্তরেতে মথুরা নগর ।

ষষ্ঠীতীর্থ মধুবন পরম সুন্দর ॥

বহুজনাকীর্ণ জনপদ সুবিস্তার ।
 দর্শনে পবিত্র হউ নয়ন আমার ॥ ২২ ॥
 তদুত্তরে শরডেক্ষা স্থান মনোহর ।
 রক্তবাহুভয়ে যথা শবরপ্রবর ॥
 নীলাদ্রিপতিকে ল'য়ে রহে সংগোপনে ।
 সেই স্থান দেখি' যেন সর্বদা নয়নে ॥ ২৩ ॥
 মথুরায় বায়ুকোণে হেরিব নয়নে ।
 সীমন্ত-দ্বীপের শোভা জাহ্নবী-সদনে ॥
 যথায় পার্বতীদেবী গৌরপদ ধূলি ।
 সীমন্তে ধারণ কৈল করিয়া আকুলি ॥ ২৪ ॥
 দূর হইতে বিলোকিব বিশ্বপঞ্চবন ।
 যথা গৌরখ্যানে আছে ঋষি চতুঃসন ॥
 নিতাইবিলাসভূমি দেখিব সুদূরে ।
 যথা সঙ্কর্ষণ-ক্ষেত্র বিজ্ঞজনে সুরে ॥ ২৫ ॥
 মায়াপুর-দক্ষিণাংশে জাহ্নবীর তটে ।
 সরস্বতী-সঙ্গমের অতীব নিকটে ॥
 ঈশোত্তান নাম উপবন সুবিস্তার ।
 সর্বদা ভজনস্থান হউক আমার ॥ ২৬ ॥

যে বনে আমার প্রভু শ্রীশচীনন্দন ।
 মধ্যাহ্নে করেন লীলা লয়ে ভক্তজন ॥
 বনশোভা হেরি রাধাকৃষ্ণ পড়ে মনে ।
 সে সব স্কুরুক্ সদা আমার নয়নে ॥ ২৭ ॥

বনস্পতি কৃষ্ণলতা নিবিড় দর্শন ।
 নানা পক্ষী গায় তথা গৌরগুণগান ॥
 সরোবর শ্রীমন্দির অতি শোভা তায় ।
 হিরণ্য-হীরক-নীল-পীতমণি ভায় ॥ ২৮ ॥

বহিস্মুখ জন মায়ামুগ্ধ আঁখিদ্বয়ে ।
 কভু নাহি দেখে সেই উপবনচয়ে ॥
 দেখে মাত্র কণ্টক আবৃত ভূমিখণ্ড ।
 তটিনীবন্যার বেগে সদা লণ্ডভণ্ড ॥ ২৯ ॥

মধুবন মধ্যভাগে শ্রীবিশ্রামস্থল ।
 শ্রীধরকুটীর আর কুণ্ড নিরমল ॥
 কাজীরে শোধিয়া প্রভু ল'য়ে পরিকর ।
 যথায় বিশ্রাম কৈল ত্রিদশ-ঈশ্বর ॥ ৩০ ॥

হা গৌরাজ্জ বলি কবে সে বিশ্রামস্থলে ।
 গড়াগড়ি দিয়া আমি কাঁদিব বিরলে ॥

ପ୍ରେମାବେଶେ ଦେଖିବ ଶ୍ରୀଗୌରାଙ୍ଗସୁନ୍ଦରେ ।
 ଚୌହପାତ୍ରେ ଜଳ ପିୟେ ଶ୍ରୀଧରର ଘରେ ॥ ୩୧ ॥
 କବେ ବା ସୌଭାଗ୍ୟବଳେ ନୟନ ଆମାର ।
 ହେରିବେ କୀର୍ତ୍ତନମାତ୍ରେ ଶଚୀର କୁମାର ॥
 ନିତ୍ୟାନନ୍ଦାଦୈତ ଗଦାଧର ଶ୍ରୀନିବାସେ ।
 ଲୟେ ନାଚେ ପ୍ରେମ ଯାଚେ ଶ୍ରୀଧର-ଆବାସେ ॥ ୩୨ ॥

ତାର ପୂର୍ବେ ବିଲୋକିବ ସୁବର୍ଣ୍ଣବିହାର ।
 ସୁବର୍ଣ୍ଣସେନେର ଢୁର୍ଗ ତୁଲ୍ୟ ନାହିଁ ସାର ॥
 ସଫାୟ ଶ୍ରୀଗୌରଚକ୍ତ୍ର ସହ ପରିକର ।
 ନାଚେନ ସୁବର୍ଣ୍ଣମୂର୍ତ୍ତି ଅତି ମନୋହର ॥ ୩୩ ॥

ଏକାକୀ ବା ଭକ୍ତସଙ୍ଗେ କବେ କାକୁସ୍ଵରେ ।
 କାନ୍ଦିୟା ବେଢ଼ାବ ଆମି ସୁବର୍ଣ୍ଣନଗରେ ॥
 ଗୌରପଦେ ଶ୍ରୀଷୁଗଳ-ସେବା ମାଗି' ଲବ ।
 ଶ୍ରୀରାଧାଚରଣାଶ୍ରୟେ ପ୍ରାଣ ସମପିବ ॥ ୩୪ ॥

ତାର ପୂର୍ବଦକ୍ଷିଣେତେ ଶ୍ରୀନୃସିଂହ-ପୁରୀ ।
 କବେ ବା ହେରିବ ଦେବପତ୍ନୀର ମାଧୁରୀ ॥
 ନରହରି-କ୍ଳେତ୍ରେ ପ୍ରେମେ ଗଢ଼ାଗଢ଼ି ଦିୟା ।
 ନିକ୍ଷପଟ କୃଷ୍ଣାପ୍ରେମ ଲଈବ ମାଗିୟା ॥ ୩୫ ॥

এ ছষ্ট হৃদয়ে কাম আদি রিপু ছয় ।
 কুটিনাটি প্রতিষ্ঠাশা শাঠ্য সদা রয় ॥
 হৃদয়শোধন আর কৃষ্ণের বাসনা ।
 নৃসিংহ-চরণে মোর এই ত' কামনা ॥ ৩৬ ॥

কাঁদিয়া নৃসিংহ-পদে মাগিব কখন ।
 নিরাপদে নবদ্বীপে যুগলভজন ॥
 ভয় ভয় পায় যাঁ'র দর্শনে সে হরি ।
 প্রসন্ন হইবে কবে মোরে ধয়া করি ॥ ৩৭ ॥

যতপি ভীষণ মূর্ত্তি ছষ্টজীবপ্রতি ।
 প্রহ্লাদাদি কৃষ্ণভক্তজনে ভদ্র অতি ॥
 কবে বা প্রসন্ন হ'য়ে সকুপবচনে ।
 নির্ভয় করিবে এই মুঢ় অকিঞ্চনে ॥ ৩৮ ॥

স্বচ্ছন্দে বৈস হে বৎস শ্রীগৌরান্ধধামে ।
 যুগলভজন হউ, রতি হউ নামে ॥
 মম ভক্তকৃপাবলে বিঘ্ন যাবে দূর ।
 শুদ্ধ চিত্তে ভজ রাধাকৃষ্ণ রসপুর ॥ ৩৯ ॥

এই বলি' কবে মোর মস্তক-উপর ।
 স্বীয় শ্রীচরণ হর্ষে ধরিবে ঈশ্বর ॥

অমনি যুগল-শ্রেমে সাত্ত্বিক বিকারে ।
 ধরায় লুটিব আমি শ্রীনৃসিংহদ্বারে ॥ ৪০ ॥
 সে ক্ষেত্রের পশ্চিমেতে গণ্ডকের ধার ।
 শ্রীঅলকানন্দ কাশীক্ষেত্র হ'য়ে পার ॥
 দেখিব গোক্রমক্ষেত্র অতি নিরমল ।
 ইন্দ্রশুরভির যথা ভজনের স্থল ॥ ৪১ ॥
 গোক্রম-সমান ক্ষেত্র নাহি ত্রিভুবনে ।
 মার্কণ্ডেয় গৌরকৃপা পায় যেই বনে ॥
 যেমন সংলগ্ন সরস্বতীনদীতটে ।
 ঈশোদ্যান রাধাকুণ্ড জহুবী-নিকটে ॥ ৪২ ॥
 ভজরে ভজরে মন গোক্রম-কানন ।
 অচিরে হেরিবে চক্ষু গৌরলীলাধন ॥
 সে লীলা-দর্শনে তুমি যুগলবিলাস ।
 অনায়াসে লভিবে পূরিবে তব আশ ॥ ৪৩ ॥
 গোক্রম শ্রীনন্দীশ্বর-ধাম গোপাবাস ।
 যথা শ্রীগৌরাজ্ঞ করে বিবিধ বিলাস ॥
 পূর্বাঙ্কে গোপের ঘরে গব্যদ্রব্য খাই' ।
 গোপসনে গোচারণ করেন নিমাই ॥ ৪৪ ॥

গোপগণ বলে ভাই তুমিত গোপাল ।
 দ্বিজরূপ কভু তব নাহি সাজে ভাল ॥
 এস কাঁধে করি তোরে গোচারণ করি ।
 মায়ের নিকটে লই যথা মায়াপুরী ॥ ৪৫ ॥
 কোন গোপ স্নেহ করি' দেয় ছানাঙ্কীর ।
 কোন গোপ রূপ দেখি' হয়ত অস্থির ॥
 কোন গোপ নানা ফল-ফুল দিয়া করে ।
 বলে ভাই নিতি নিতি আইস মোর ঘরে ॥ ৪৬ ॥
 বিপ্দের ঠাকুর তুমি গোপের কারণ ।
 তোমা ছাড়ি' যেতে নারি তুমি ধ্যান-জ্ঞান ॥
 ঐ দেখ গাভি সব তোমারে দেখিয়া ।
 হান্ধারবে ডাকে ঘাস বৎস তেয়গিয়া ॥ ৪৭ ॥
 আজ বেলা হইল চল জগন্নাথালয় ।
 কাল যেন এই স্থানে পুনঃ দেখা হয় ॥
 রাখিব তোমার লাগি দধিছানাঙ্কীর ।
 বেলা হইলে জেন আমি হইব অস্থির ॥ ৪৮ ॥
 এইরূপে নিতি নিতি শ্রীগোক্রম-বনে ।
 শ্রীগৌর-নিতাই খেলা করে গোপসনে ॥

বেলা না হইতে পুনঃ করি' গঙ্গাস্নান ।
 শ্রীশচীসদনে যান গৌর ভগবান্ ॥ ৪৯ ॥
 হেন দিন আমার কি হইবে উদয় ।
 হেরিব গোক্রম-লীলা শুদ্ধ-প্রেমময় ॥
 গোপসঙ্গে গোপভাবে প্রভু-সেবা-আশে ।
 একমনে-বসিব সে গোক্রম-আবাসে ॥ ৫০ ॥
 গে ক্রম-দক্ষিণে মধ্যদ্বীপ মনোহর ।
 বনরাজি শোভে যথা দেখিতে সুন্দর ॥
 যথায় মধ্যাহ্নে প্রভু ল'য়ে ভক্তগণ ।
 সপ্তঋষি কাছে আসি দিল দরশন ॥ ৫১ ॥
 যথায় গোমতী-তীরে নৈমিষ-কাননে ।
 গৌরভাগবতকথা শুনে ঋষিগণে ॥
 শুনিতে সে গৌরকথা দেব-পঞ্চানন ।
 সহসা আইলা হ'য়ে শ্রীহংস-বাহন ॥ ৫২ ॥
 কবে আমি ভ্রমিতে ভ্রমিতে সেই বন ।
 হেরিব পুরাণ-সভা অপূর্বদর্শন ॥
 শুনিব চৈতন্য-কথা শ্রীহরিবাসরে ।
 সুপুণ্য কার্ত্তিকমাসে গোমতীর ধারে ॥ ৫৩ ॥

শৌনকাদি শ্রোতা ঋষিগণ কৃপা করি'
 পদধূলি দিয়া মাথে হস্তদ্বয় ধরি' ॥
 বলিব—হে নবদ্বীপবাসি! একমনে ।
 শ্রীগোরাঙ্গ-কথামৃত পিয় এই বনে ॥ ৫৪ ॥

তাহার দক্ষিণে শোভে ব্রাহ্মণ-পুষ্কর ।
 শ্রীপুষ্করতীর্থ যথা দেখি দ্বিজবর ॥
 ভজিয়ে গোরাঙ্গপদ বিপ্র দিবদাস ।
 শ্রীগোরাঙ্গরূপ হেরি' পাইল আশ্বাস ॥ ৫৫ ॥

তাহার দক্ষিণে ক্ষেত্র উচ্চহট্ট-নাম ।
 ব্রহ্মাবর্ত কুরুক্ষেত্র ত্রিপিষ্টপ-ধাম ॥
 যথা দেবগণ করে গৌর-সংকীৰ্ত্তন ।
 কভু ধামবাসী তাহা করেন শ্রবণ ॥ ৫৬ ॥

শ্রীগোরাঙ্গ-গণ-সহ মধ্যাহ্ন-সময়ে ।
 ভ্রমেণ এসব বনে প্রেমমত্ত হ'য়ে ॥
 ভক্তগণে কৃষ্ণলীলা সঙ্কত বলিয়া ।
 নাচেন কীৰ্ত্তনে রাধা-ভাব আশ্বাদিয়া ॥ ৫৭ ॥

আমি কবে একাকী বা ভক্তজন-সঙ্গে ।
 ভাসিব চৈতন্য-প্রেম-সমুদ্র-তরঙ্গে

মধ্যাহ্নে ভ্রমিব মধ্যদ্বীপ-বনচয়ে ।

প্রভুভাব বিভাবিয়া অকিঞ্চন হ'য়ে ॥ ৫৮ ॥

মধ্যদ্বীপবাসী ভক্তগণ কৃপা করি' ।

দেখাইবে—ঐ দেখ গৌরাজ্জীহরি ॥

ব্রহ্মকুণ্ডতীরে ব্রহ্মনগর-ভিতরে ।

কীর্তন ঘটায় নাচে ল'য়ে পরিকরে ॥ ৫৯ ॥

কবে বা দেখিব সেই পুরটম্বন্দর ।

অপূর্বমূর্তি গোরা বনমালাধর ॥

দীর্ঘবাহু হয়ে উচ্চৈঃস্বরে ডাকি' বলে ।

হরিনাম বল ভাই একত্রে সকলে ॥ ৬০ ॥

অমনি শ্রীবাস-আদি যত ভক্তজন ।

হরি হরি বলিয়া করিবে সংকীর্তন ॥

কেহ বা বলিবে গৌরহরি বল ভাই ।

গৌর-বিনা রাধাকৃষ্ণ-সেবা নাহি পাই ॥ ৬১ ॥

উচ্চহৃৎ সন্নিকটে পঞ্চবেণী নাম ।

দেবতীর্থ যথা দেবগণের বিশ্রাম ॥

জাহ্নবী ত্রিধারা সরস্বতী শ্রীযমুনা ।

মিলিয়াছে গৌরসেবা করিয়া কামনা ॥ ৬২ ॥

গণ-সহ গৌরহরি যথা করি' স্নান ।
 কলিপাপ হইতে তীর্থে কৈল পরিত্রান ॥
 পঞ্চবেণী হেন তীর্থ এ চৌদ্দভুবনে ।
 নাহি দেখে বেদব্যাস আর ঋষিগণে ॥ ৬৩ ॥

কবে পঞ্চবেণী-জলে করিয়া স্নপন ।
 শ্রীগৌরাঙ্গপাদপদ্ম করিব স্মরণ ॥
 গৌরপদপূত বারি অঞ্জলি ভরিয়া ।
 পিয়া ধন্য হব গৌরপ্রসঙ্গে মাতিয়া ॥ ৬৪ ॥

পঞ্চবেণী-পারে কোলদ্বীপ মনোহর ।
 কোলরূপে প্রভু যথা ভক্তের গোচর ॥
 শ্রীবরাহক্ষেত্র বলি' সর্ববশান্ত্রে কয় ।
 দেবের ছল্লভ স্থান চিদানন্দময় ॥ ৬৫ ॥

কুলিয়া পাহাড় নামে প্রসিদ্ধ জগতে ।
 শ্রীগৌরাঙ্গলীলাস্থান শ্রেষ্ঠ সর্বমতে ॥
 শ্রীকৃষ্ণচৈতন্য যথা সন্ন্যাসের পর ।
 ব্রজযাত্রা-ছলে দেখে নদীয়া-নগর ॥ ৬৬ ॥

বিদ্যাবাচস্পতি-বিদ্যালয় যেই স্থানে ।
 বিশারদপুত্র তেঁহ কেবা নাহি জানে ॥

প্রভুর একান্ত ভৃত্য শুদ্ধভক্তিবলে ।

আকর্ষিল নিজপ্রভু গঙ্গাস্নানছলে ॥ ৬৭ ॥

কবে আমি গঙ্গাতীরে দাঁড়াইয়া রব ।

বিদ্যাবাচস্পতি-দ্বারে দেখিয়া বৈভব ॥

কতক্ষণে কৃপা করি' প্রভু যতীশ্বর ।

হইবে প্রাসাদোপরি নয়নগোচর ॥ ৬৮ ॥

দেখিয়া কনককাস্তি সন্ন্যাস-মুরতি ।

ভূমে পড়ি' বিলোকিব করিয়া আকৃতি ॥

দ্বারকায় রাজবেশে শ্রীকৃষ্ণে দেখিয়া ।

কাঁদিল যেমন গোপী যমুনা স্মরিয়া ॥ ৬৯ ॥

আমি চাই গৌরচন্দ্রে লইতে মায়াপুরে ।

যথায় কৈশোরবেশ শ্রীঅঙ্গেতে স্মুরে ॥

যথায় চাঁচর কেশ ত্রিকচ্ছবসনে ।

ঈশোদানে লীলা করে ভক্তজন সনে ॥ ৭০ ॥

সেই বটে এই যতি আমি সেই দাস ।

প্রভুর দর্শন সেই অনন্ত বিলাস ॥

তথাপি আমার চিত্ত পৃথুকুণ্ড-তীরে ।

প্রভুরে লইতে চায় শ্রীবাস-মন্দিরে ॥ ৭১ ॥

তথা হৈতে কিছু আগে করি দরশন ।
 শ্রীসমুদ্রগড়তীর্থ জগতপাবন ॥
 যথা পূর্বের ভীম যুদ্ধে শ্রীসমুদ্রসেনে ।
 দেখা দিল দীনবন্ধু শুদ্ধভক্ত জেনে ॥ ৭২ ॥

যথায় সাগর আসি' গঙ্গার আশ্রয়ে ।
 নবদ্বীপলীলা দেখে প্রেমে মুগ্ধ হ'য়ে ॥
 শ্রীগঙ্গাসাগর-তীর্থ নবদ্বীপপুরে ।
 নিত্য শোভা পায় যথা দেখে সুরানুরে ॥ ৭৩ ॥

ধন্য জীব কোলদ্বীপ করে দরশন ।
 পরম-আনন্দ-ধাম শ্রীবহুলাবন ॥
 কীর্তন-আবেশে যথা শ্রীশচীকুমার ।
 ভক্তগণ সঙ্গে ল'য়ে নাচে কতবার ॥ ৭৪ ॥

কোলদ্বীপ কৃপা করি' এই অকিঞ্চনে ।
 দেহ নবদ্বীপবাস ভক্তজন-সনে ॥
 শ্রীগৌরাজ-লীলাধনে দেহ অধিকার ।
 জীবনে মরণে শ্রী গৌরাজ আমার ॥ ৭৫ ॥

কোলদ্বীপ উত্তরাংশে চম্পহট্ট-গ্রাম ।
 সদা শোভা করে যঁাথা নবদ্বীপ-ধাম ॥

মহাতীর্থ চম্পহট্ট গ্রাম মনোহর ।
 জয়দেব যথা ভজে গৌরশশধর ॥ ৭৬ ॥
 যথা বাণীনাথ-গৃহে শচীর নন্দন ।
 সপার্ষদে করিলেন নামসংকীৰ্ত্তন ॥
 বাণীনাথ-গৃহে হৈল মহামহোৎসব ।
 গৌরান্ধ দেখায় নিজ প্রেমের বৈভব ॥ ৭৭ ॥

চম্পহট্ট-গ্রামে আছে চম্পকের বন ।
 চম্পলতা করে যথা কুমুম-চয়ন ॥
 নবদ্বীপে শ্রীখদিরবন সেই গ্রাম ।
 ব্রজে যথা রামকৃষ্ণ করেন বিশ্রাম ॥ ৭৮ ॥

ঋতুদ্বীপ বনময় অতি মনোহর ।
 বসন্তাদি ঋতু যথা গৌরসেবাপর ॥
 সর্ব্বতু'সেবিতভূমি আনন্দ-নিলয় ।
 রাধাকুণ্ড-প্রদেশের একদেশ হয় ॥ ৭৯ ॥

কভু প্রভু সংকীৰ্ত্তন-রঙ্গে এই স্থানে ।
 'স্মরি' গোচারণ-লীলা কৃষ্ণগুণগানে ॥
 শ্যামলি ধবলি বলি' ডাকে ঘন ঘন ।
 শ্রীদাম শুবল ব'লি করেন ক্রন্দন ॥ ৮০ ॥

আমি কবে ঋতুদ্বীপে করিয়া ভ্রমণ ।
 বন-শোভা হেরি লীলা করিব স্মরণ ॥
 রাধাকুণ্ডলীলাস্বফূর্ত্তি হইবে তখন ।
 স্তুতিত হইয়া তাহা করিব দর্শন ॥ ৮১ ॥

মানসগঙ্গার তীরে গোচারণ-স্থল ।
 রামকৃষ্ণ-সহ দাম-বল-মহাবল ॥
 অসংখ্য গোবৎস ল'য়ে নিভূতে চরায় ।
 নানালীলাচ্ছলে সবে কৃষ্ণগুণ গায় ॥ ৮২ ॥

গোপশিশুগণ রহে নানা আলাপনে ।
 চরিতে চরিতে সবে যায় দূর বনে ॥
 না দেখিয়া বৎসগণে চিন্তে সর্বজন ।
 কৃষ্ণবংশীরবে বৎস আইসে ততক্ষণ ॥ ৮৩ ॥

দেখিতে দেখিতে লীলা হৈলে অদর্শন ।
 ভূমিতে পড়িব আমি হ'য়ে অচেতন ॥
 কতক্ষণে সংজ্ঞা লভি' আপনি উঠিব ।
 ধীরে ধীরে বনমাঝে ভ্রমণ করিব ॥ ৮৪ ॥

হা গৌরাজ্জ ! কৃষ্ণচন্দ্র ! দয়ার সাগর ।
 কাক্সালের ধন তুমি আমিত পামর ॥

এই বলি কাঁদি' কাঁদি' হ'য়ে অপ্রসর ।
 দেখিব সহসা আমি শ্রীবিদ্যানগর ॥ ৮৫ ॥
 চারিবেদ চতুষষ্টি বিদ্যার আলয় ।
 সরস্বতী-পীঠ বিদ্যানগর নিশ্চয় ॥
 ব্রহ্মাশিবঋষিগণ এ পীঠ-আশ্রয়ে ।
 সর্ববিদ্যা প্রকাশিল প্রপঞ্চ নিলয়ে ॥ ৮৬ ॥
 প্রভু মোর করিবেন বিদ্যার বিলাস ।
 ইহা জানি' বৃহস্পতি ছাড়ি' নিজবাস ॥
 বাসুদেব সার্বভৌমরূপে এই স্থানে ।
 প্রচারিল সর্ববিদ্যা বিবিধ বিধানে ॥ ৮৭ ॥
 যে বিদ্যানগরে বসি' গৌরগুণ গায় ।
 সেই অধ্যাপক ধন্য শোক নাহি পায় ॥
 অবিদ্যা ছাড়য়ে তা'রে যে বিদ্যানগরে ।
 দর্শন করিয়া ভজে গৌরমুখাকরে ॥ ৮৮ ॥
 আমি কি দেখিব কভু শ্রীগৌরমুন্দরে ।
 বিদ্যাহুরাগে গিয়া শ্রীবিদ্যানগরে ? ॥
 শ্রীবাসাপরাধে দেবানন্দ-মহাশয়ে ।
 দণ্ডিবেন বাক্য-দণ্ডে ভক্তপক্ষ হ'য়ে ॥ ৮৯ ॥

আমার প্রভুর লীলা অনন্ত না জানে ।
 কখন কি কার্ঘ্যে মাতে, থাকে কিবা ধ্যানে ॥
 কেন যে কীর্তন ছাড়ি' পড়িয়া ভাড়ায় ॥
 পরাজিয়া অধ্যাপকে কিবা সুখ পায় ॥ ৯০ ॥

যাই করে প্রভু তাই আনন্দজনক ।
 স্বেচ্ছাময় প্রভু তেঁহ আমিত সেবক ॥
 ক্ষুদ্র পরিমিত বুদ্ধি সহজে আমার ।
 বিচারিতে শক্তি নাই বিধান তাঁহার ॥ ৯১ ॥

নবদ্বীপবাসী অধ্যাপকগণ তাঁর ।
 নিত্যলীলা-পুষ্টিকারী প্রণম্য আমার ।
 সকলে করুণা কর দীন অকিঞ্চনে ।
 মোরে অধিকার দেহ নামসংকীর্তনে ॥ ৯২ ॥

শ্রীবিদ্যানগর-প্রতি এই নিবেদন ।
 যে অবিद्या গৌরতত্ত্ব করে আবরণ ॥
 সে অবিद्या-জালে যেন মানস আমার ।
 আবৃত না হয় কভু থাকে মায়াপার ॥ ৯৩ ॥

শোভে জহুদ্বীপ বিদ্যানগর উত্তরে ।
 যথা জহু-তপোবন ব্যক্ত চরাচরে ॥

গঙ্গারে করিল পান যথা মুনিবর ।
 জাহ্নবী-স্বরূপে গঙ্গা হইল গোচর ॥ ১৪ ॥
 যথা কৃষ্ণভক্ত ভীষ্ম মুনির আশ্রমে ।
 ভাগবতধর্ম-শিক্ষা কৈল ত্রিবিক্রমে ॥
 যথা জহু নিষ্কপটে করিয়া ভজন ।
 অনায়াসে পায় শ্রীকৃষ্ণচৈতন্যচরণ ॥ ১৫ ॥
 জহু দ্বীপ ভদ্রবন কৃষ্ণলীলাস্থল ।
 নয়নগোচয় কবে হবে নিরমল ॥
 সেই বনে ভীষ্মটীলা পরমপাবন ।
 ততুপরি রহি' আমি করিব ভজন ॥ ১৬ ॥
 রাত্ৰ্যাগমে ভীষ্মদেব প্রশাস্ত অস্তরে ।
 দরশন দিবে মোরে শুদ্ধ কলেবরে ॥
 কৃষ্ণবর্ণ বৃক্ষ তুলসীর মালা করে ।
 দ্বাদশ-তিলকাঙ্কিত নামানন্দভরে ॥ ১৭ ॥
 বলিবে নবীন নবদ্বীপবাসী শুন ।
 আমার মুখেতে আজ গৌরাজ্ঞের গুণ ॥
 কুরুক্ষেত্র-রণে পড়ি' মরণসময়ে ।
 দেখিলাম কৃষ্ণচন্দ্র একাচত হ'য়ে ॥ ১৮ ॥

নির্যাণসময়ে প্রভু বলিল বচন ।
 নবদ্বীপ তুমি পূর্বে করিলা দর্শন ॥
 সেই পুণ্যে গৌরকৃপা তোমার ঘটিল ।
 নবদ্বীপে নিত্যবাস এখন হইল ॥ ৯৯ ॥

অতএব সর্ব আশা পরিত্যাগ করি' ।
 নবদ্বীপে বসি' তুমি ভজ গৌরহরি ॥
 আর না করহ ভয় বিষয়-বন্ধনে ।
 অবশ্য লভিবে সেবা গৌরাঙ্গচরণে ॥ ১০০ ॥

প্রভুর ইচ্ছায় এই ধামে সর্বক্ষণ ।
 কৃষ্ণলীলা গৌরলীলা দেখ মুক্তজন ॥
 শোক, ভয়, মৃত্যু আর উদ্বেগ-কারণ ।
 বহিমুখ ইচ্ছা নাহি জীবের পীড়ন ॥ ১০১ ॥

শুদ্ধভক্তজন কৃষ্ণকৈঙ্কর্য্য-আসবে ।
 নিজ নিজ ভজনেতে মগ্ন সুখার্ণবে ॥
 না জানে অভাব-পীড়া সংসার-যাতনা ।
 সিদ্ধকাম শুদ্ধদেহ বৈসে সর্বজনা ॥ ১০২ ॥

নিত্যমুক্ত বন্ধমুক্ত ভক্তি পরিকর ।
 অনন্ত সংখ্যক দাসগণের ঈশ্বর ॥

যার যেই ভাব সেই ভাবে তার সনে ।
নিত্যলীলা করে প্রভু এই সব বনে ॥ ১০৩ ॥

এ ধাম অনন্ত, জড়া মায়া হেথা নাই ।
চিচ্ছক্তি হেথায় অধিষ্ঠাত্রী শুন ভাই ॥
তদনুগ দেশকাল করণ শরীর ।
সব নির্মায়িক সত্ত্ব এই তত্ত্ব স্থির ॥ ১০৪ ॥

যতদিন না ছাড়িবে প্রভুর ইচ্ছায় ।
মায়িক শরীর ততদিন তো আমায় ॥
না ক্ষুরিবে পূর্ণরূপে এ ধামের ভাব ।
তব বুদ্ধি না ছাড়িবে জাতীয় স্বভাব ॥ ১০৫ ॥

ভাগবতী তনু পাবে প্রভুর ইচ্ছায় ।
অব্যাহতগতি তব হইবে হেথায় ॥
জড়মায়াজালে আবরণ যাবে দূরে ।
অসীম আনন্দ পাবে এই নিত্যপুরে ॥ ১০৬ ॥

যে পর্য্যন্ত আছে ভাই মায়িক শরীর ।
সাবধানে ভক্তিতত্ত্বে থাক সদা স্থির ॥
ভক্তসেবা কৃষ্ণনাম যুগলভজন ।
বিষয়ে শৈথিল্যভাব কর সর্বক্ষণ ॥ ১০৭ ॥

ধামকৃপা নামকৃপা ভক্তকৃপাবলে ।
 অসাধু-সম্বন্ধ দূরে রাখহ কৌশলে ॥
 অচিরে পাইবে তুমি নিত্যধামে বাস ।
 শুদ্ধ-শ্রীষুগলসেবা হইবে প্রকাশ ॥ ১০৮ ॥

ভীষ্মদেব-উপদেশ ধরিয়া শ্রবণে ।
 সাষ্টাঙ্গে পড়িব আমি তাঁহার চরণে ॥
 আশীর্ব্বাদ করি' তেঁহ হবে অদর্শন ।
 কাঁদিতে কাঁদিতে যাব মোদক্রম বন ॥ ১০৯ ॥

মোদক্রম শ্রীভাগীর হয় এক স্তম্ভ ।
 যথা পশুপক্ষীগণে সব শুদ্ধ স্তম্ভ ॥
 মনোহর বৃক্ষডালে বসি' পিকগণ ।
 গৌরহরি সীতারাম গায় অনুক্ষণ ॥ ১১০ ॥

কত কত বটবৃক্ষ ছায়া বিস্তারিয়া ।
 শোভিছে ভাগীরবন সূর্য্য আচ্ছাদিয়া ॥
 রামকৃষ্ণ-লীলাস্থ'ন প্রত্যক্ষ ভুবনে ।
 কবে বা স্মুরিবে মোর এ ছুই নয়নে ॥ ১১১ ॥

দেখিয়া বনের শোভা ভ্রমিতে ভ্রমিতে ।
 শ্রীরামকুটীর চক্ষে পড়ে আচম্বিতে ॥

ছুর্বাদলবর্ণ রাম ব্রহ্মচারী বেশে ।
 লক্ষ্মণ জানকীসহ তার এক দেশে ॥ ১১২ ॥
 দেখিয়া শ্রীরামচন্দ্ররূপ মনোহর ।
 অচেতনে পড়িব সে কানন-ভিতর ॥
 প্রেমে গর গর দেহ না স্মুরিবে বাণী ।
 ছুই অঁাখি ভরি' পিব সেই রূপখানি ॥ ১১৩ ॥

কৃপা করি' রামানুজ আসি ধীরে ধীরে ।
 বন ফল রাখি' পদ দিবে মম শিরে ॥
 বলিবেন, বৎস তুমি খাও এই ফল ।
 বনবাসে বনফুলে আতিথ্য কেবল ॥ ১১৪ ॥

বলিতে বলিতে লীলা হবে অদর্শন ।
 কাঁদিতে কাঁদিতে ফল করিব ভক্ষণ ॥
 আর কি দেখিব আমি ছুর্বাদল রূপ ।
 হৃদয়ে ভাবিব সেই অচিন্ত্য-স্বরূপ ॥ ১১৫ ॥

আহা ! সে ভাগীরবন চিন্তামণিধাম ।
 ছাড়িতে হৃদয় কাঁদে না হয় বিরাম ॥
 রামকৃষ্ণ করে লীলা গোচারণ-ছলে ।
 যথায় কীর্তনে মাতে গোরা নিজ দলে ॥ ১১৬ ॥

ধীরে ধীরে যাব তথা শ্রীবৈকুণ্ঠপুর ।
 নিঃশ্রেয়স বন যথা ঐশ্বর্য্য প্রচুর ॥
 সর্বদেবপ্রপূজিত পরব্যোমনাথ ।
 নিত্য বিরাজেন যথা শক্তিত্রয়-সাথ ॥ ১১৭ ॥

যদিও মাধুর্য্যময় শ্রীকৃষ্ণ আমার ।
 তবুও ঈশ্বর তেঁহ সর্বৈশ্বর্য্যধর ॥
 ঐশ্বর্য্য না ছাড়ে কৃষ্ণ ব্রজেন্দ্রনন্দন ।
 ঐশ্বর্য্য না দেখে তবু কৃষ্ণভক্তজন ॥ ১১৮ ॥

কৃপা করি' সর্বৈশ্বর ঐশ্য লুকাইয়া ।
 তুমিতে নারদচিত্ত গৌরাঙ্গ হইয়া ॥
 দেখিয়া সে রূপ আমি আনন্দসাগরে ।
 ডুবু ডুবু নাচিব কাঁদিব উচ্চৈঃস্বরে ॥ ১১৯ ॥

হইয়া বিরজা পার ব্রহ্মাণীনগর ।
 ছাড়িয়া উঠিব অর্কটীলার উপর ॥
 তথা বসি' একান্তে ভজিব গৌরহরি ।
 নামসুধারসে মাতি নাম গান করি ॥ ১২০ ॥

অর্কদেব কৃপা করি' দিবে দরশন ।
 রক্তবর্ণ দীর্ঘবাহু অরুণ বসন ॥

সর্বত্র তুলসীমালা চর্চিত চন্দনে ।
 মুখে সদা গৌরহরি অশ্রু ছ'নয়নে ॥ ১২১ ॥
 বলিবেন, বৎস তুমি গৌরভক্তদাস ।
 তোমার নিকটে আমি হইঁহু প্রকাশ ॥
 অধিকৃতদাস মোরা গৌরাজ্জচরণে ।
 গৌরদাস অনুদাসে ভালবাসি মনে ॥ ১২২ ॥
 মম আশীর্ব্বাদে তব হবে কৃষ্ণভক্তি ।
 ধামবাসে নামগানে হবে তব শক্তি ॥
 সুধামাথা কৃষ্ণনাম গাইতে গাইতে ।
 সর্বদা আসিও হেথা আমারে তুষিতে ॥ ১২৩ ॥
 সূর্য্যদেবপদে করি দণ্ডপরণাম ।
 অগ্রসর হ'য়ে পাব মহৎপুর ধাম ॥
 মহৎপুর কামাবন কৃষ্ণলীলাস্থল ।
 যথা গৌরগণ করে কৃষ্ণকোলাহল ॥ ১২৪ ॥
 যুধিষ্ঠির আদি পঞ্চ ভাই যেন বনে ।
 কত দিন বাস কৈল দ্রৌপদীর সনে ॥
 ব্যাসদেব আনি' গৌরপুরাণ শুনিল ।
 একান্তে শ্রীগৌরহরি ভজন করিল ॥ ১২৫ ॥

অত্ৰাপিও কাম্যবনে দেখে ভক্তজন ।

যুষ্টিৰসভা যথা বৈসে ঋষিগণ ॥

ভৌম শুক দেবল চ্যবন গৰ্গমুনি ।

বৃক্কতলে বসি' কাঁদে গৌৰকথা শুনি' ॥ ১২৩ ॥

আমি কবে সে সভায় কৰিব গমন ।

দূৰে দণ্ডবৎ কৰি' আসিব তখন ॥

পাষণ্ড-উদ্ধার-লীলা গৌৰ-ইতিহাস ।

ব্যাসমুখে শুনি' প্ৰেমে ছাড়িব নিঃশ্বাস ॥ ১২৭ ॥

কতক্ষণ পৰে পুন সভা না দেখিয়া ।

কাঁদিব গৌৰাঙ্গ বলি' ভূমে লুটাইয়া ॥

দ্বিপ্রহর দিনে ক্ষুধা হইলে উদয় ।

ভোজনার্থে বনফল কৰিব সঞ্চয় ॥ ১২৮ ॥

এমত সময়ে কৃষ্ণা পাণ্ডব-গৃহিণী ।

শাক, অন্ন ল'য়ে কবে আসিবে অন্ননি ॥

বলিবেন বৎস লহ আতিথ্য আমার ।

গৌৰাঙ্গ প্ৰসাদ অন্নমুষ্টি ছই চার ॥ ১২৯ ॥

সাষ্টাঙ্গে প্ৰণমি তাঁৰে আমি অকিঞ্চন ।

কর পাতি' শাক, অন্ন কৰিব গ্ৰহণ ॥

গৌরান্ধ্রপ্রসাদ অন্ন শাক চমৎকার ।
সেবা করি' ধন্য হবে রসনা আমার ॥ ১৩০ ॥

মহাপ্রসাদের কৃপা যেই জীবে হয় ।
শুদ্ধকৃষ্ণভক্তি তার মিলিবে নিশ্চয় ॥
সেই কৃপা নিত্য যেন হয়ত আমার ।
অনায়াসে ছাড়ি' যাব অনন্ত মায়ার ॥ ১৩১ ॥

দ্রৌপদী-প্রদত্ত মহাপ্রসাদ পাইয়া ।
উপনীত হ'ব কবে রুদ্রদ্বীপে গিয়া ॥
কৈলাস ষাঁহার প্রভা-মাত্র ত্রিভুবনে ।
সেই রুদ্রদ্বীপ শোভে নবদ্বীপবনে ॥ ১৩২ ॥

যথা নীল লোহিতাদি রুদ্র একাদশ ।
নৃত্য করে গৌরপ্রেমে হইয়া বিবশ ॥
যথায় ছুর্বাসামুনি করিয়া আশ্রম ।
গৌরান্ধ্রচরণ ভজে ছাড়ি যোগভ্রম ॥ ১৩৩ ॥

অষ্টাবক্র-দত্তাত্রেয় আদি যোগিগণ ।
ছাড়িয়া অদ্বৈত-বুদ্ধি সহ পঞ্চানন ॥
শ্রীকৃষ্ণচৈতন্যপদধ্যানে হয় রত ।
সায়ুজ্য মুক্তিকে ছাড়ে হইয়া বিরত ॥ ১৩৪ ॥

কভু আমি ভ্রমিতে ভ্রমিতে রুদ্রবন ।
 মেট স্থল-সন্নিকটে করিব গমন ॥
 বসিব তথায় গৌরপদ-ধ্যান করি ।
 অদূরে দেখিব দেবী পরমা সুন্দরী ॥ ১৩৫ ॥

বনদেবী মনে করি' করিব প্রণাম ।
 জিজ্ঞাসিব, বল মাতা কিবা তব নাম ॥
 অশ্রুমুখী দেবী তবে বলিবে বচন ॥
 শুন বাছা মোর দুঃখ অকথ্যকথন ॥ ১৩৬ ॥

পঞ্চবিধ জ্ঞান কণ্ঠা মোরা পঞ্চজন ।
 পঞ্চবিধ মুক্তি নাম করেছ শ্রবণ ॥
 সালোক্য সামীপ্য সাষ্টি' সাযুজ্য নির্বাণ ।
 নির্বাণ-সাযুজ্য মোরে নাম কৈল দান ॥ ১৩৭ ॥

চারি ভগ্নী গেলা চলি' বৈকুণ্ঠনগর ।
 আমিত' রহিলু একা পড়িয়া ফাঁপর ॥
 শিবের কৃপায় দত্তাত্রেয় আদিজন ।
 কিছুদিন আমা-প্রতি করিল যতন ॥ ১৩৮ ॥

এবে সেই ঋষিগণ ছাড়িয়া আমায় ।
 রুদ্রদ্বীপে বৈসে এই সর্বলোকে গায় ॥

বৃথা আমি অন্বেষণ করি সেই সবে ।
দেখা নাহি পাই আর পাব কোথা কবে ॥ ১০৯ ॥

শ্রীগৌরাজ্জপ্রভু সর্বজনে নিস্তারিল ।
কেবল আমার প্রতি নির্দয় হইল ॥
আমি যেই স্থানে এবে ছাড়িব জীবন ।
নিদয়া বলিয়া স্থান জানু সর্বজন ॥ ১৪০ ॥

সামুজ্যের নাম শুনি' কাঁপিবে হৃদয় ।
পুতনা রাক্ষসী বলি' হবে বড় ভয় ॥
আঁখি মুদি সেইস্থানে পড়িয়া রহিব ।
কোন মহাজনস্পর্শে তখন উঠিব ॥ ১৪১ ॥

উঠিয়া দেখিব আমি দেবপঞ্চানন ।
ববম্ ববম্ বলি' করিয়া নর্তন ॥
গাউবেন শ্রীশচীনন্দন দয়াময় ।
দয়া কর সর্বজীবে দূর কর ভয় ॥ ১৪২ ॥

দেবদেব মহাদেবচরণে পড়িব ।
স্বভাব-শোধন লাগি' পদে নিবেদিব ॥
দয়া করি' বিশ্বেশ্বর মস্তক আমার ।
ধরিয়া চরণ দিবে উপদেশ-সার ॥ ১৪৩ ॥

বলিবেন, ওহে শুন কৃষ্ণভক্তিসার ।
 জ্ঞান-কর্ম-মুক্তিচেষ্টা যোগ আদি ছার ॥
 আমার কৃপায় তুমি পরাজিয়া মায়া ।
 অতি শীঘ্র প্রাপ্ত হ'বে গৌরপদছায়া ॥ ১৪৪ ॥

দক্ষিণে পুলিন দেখ অতি মনোহর ।
 বৃন্দাবনধাম নবদ্বীপের ভিতর ॥
 তথা গিয়া কৃষ্ণলীলা কর দর্শন ।
 অচিরে পাইবে রাধিকার শ্রীচরণ ॥ ১৪৫ ॥

শম্ভু অদর্শন হ'বে উপদেশ দিয়া ।
 প্রণমি' চলিব আমি কাঁদিয়া কাঁদিয়া ॥
 কতক্ষণে শ্রীপুলিন করিয়া দর্শন ।
 ভূমে গড়াগড়ি দিয়া হ'ব অচেতন ॥ ১৪৬ ॥

অচেতনকালে স্বপ্ন-স্বরূপ-সমাধি ॥
 উদিকে অপূর্ব মূর্তি নিজকার্য সাধি' ॥
 তখন জানিব আমি কমলমঞ্জরী ।
 শ্রীঅনঙ্গমঞ্জরীর নিত্য বিধিকারী ॥ ১৪৭ ॥

অনঙ্গমঞ্জরী মোর হৃদয়-ঈশ্বরী ।
 দেখাইবে কৃপা করি' নিজ যুথেশ্বরী ॥

শ্রীকপূ'রসেবা মোরে করিবে অর্পণ ।
 যুগলবিলাস করাইবে প্রদর্শন ॥ ১৪৮ ॥

পুলিননিকটে স্থান শ্রীরাসমণ্ডল ।
 গোপেন্দ্রনন্দনলীলা তথা নিরমল ॥
 শতকোটি-গোপী-মাবে মহারাসেশ্বরী ।
 সহ নৃত্য করে কৃষ্ণ সর্বচিন্ত হরি' ॥ ১৪৯ ॥

সে রাসলাশ্বের শোভা নাহি ত্রিভুবনে ।
 বহু ভাগ্যে যেন দেখে মজে সেই ক্ষণে ॥
 স্ব-সমাধি ভাগ্যবলে কেহ কভু পায় ।
 সে শোভাদর্শনমুখ ছাড়িতে না চায় ॥ ১৫০ ॥

দেখিব যে শোভা তাহা বর্ণিতে নারিব ।
 হৃদয়ে রাখিয়া সদা দর্শন করিব ॥
 নিজ কুঞ্জে বসি' হৃদি মাবে আলোচিব ।
 সখীর নির্দেশ মতে সতত সেবিব ॥ ১৫১ ॥

অনঙ্গমঞ্জরী সখী রাধিকাভগিনী ।
 মোরে কৃপা করি ধাম দেখাবে আপনি ॥
 রাসস্থলী-পশ্চিমেতে শ্রীধীর সমীর ।
 কিছু দূরে বংশীবট শ্রীযমুনাভীর ॥ ১৫২ ॥

শ্রীরূপমঞ্জরী-প্রশ্নে ঈশ্বরী আমার ।
 বলিবে এ নবদাসী সখী ললিতার ॥
 কমলমঞ্জরী-নাম গৌরাজ্জৈকগতি ।
 কৃপা করি' দেহ এবে, রাগমার্গে গতি ॥ ১৫৩ ॥

ঈশ্বরীর কথা শুনি' শ্রীরূপ মঞ্জরী ।
 বুলাইবে কৃপা-হস্ত মম দেহোপরি ॥
 সহসা হইবে মোর রাগের উদয় ।
 রূপানুগ ভজনেতে স্পৃহা অতিশয় ॥ ১৫৪ ॥

তড়িধ্বর্ণা তারাবলী বসন-ভূষণে ॥
 শ্রীকপূর-পাত্র করে সখীর চরণে ॥
 দণ্ডবৎ হইয়া আমি পড়িব তখন ।
 মাগিব অনন্যভাবে রাধার চরণ ॥ ১৫৫ ॥

শ্রীরূপমঞ্জরী ও শ্রীঅনঙ্গমঞ্জরী ।
 ল'বে যথা স্বানন্দসুখদকুঞ্জেশ্বরী ॥
 রাধা-শ্রীচরণ-সেবা সদা চিন্তা করে ।
 শ্রীললিতা সুললিতা স্বকুঞ্জ-ভিতরে ॥ ১৫৬ ॥

সাষ্টাঙ্গে বন্দিব আমি তাঁহার চরণ ।
 সখী করিবেন গম কথা বিজ্ঞাপন ॥

বলিবেন, নবদ্বীপবাসী এই জন ।

তব দাসী হ'য়ে মাগে যুগলসেবন ॥ ১৫৭ ॥

প্রসন্ন হইয়া তবে ললিতা সুন্দরী ।

শৈষী-শক্তি-প্রতি কবে, গুন প্রিয়ঙ্করি ॥

তোমার কুঞ্জের পার্শ্বে করি' স্থান দান ।

রাখিয়া যতন কর ঈঙ্গিত বিধান ॥ ১৫৮ ॥

তোমার সেবার কালে সঙ্গে ল'য়ে যাবে ।

ক্রমে তব দাসী রাধাপ্রসাদ পাইবে ॥

শ্রীরাধাপ্রসাদ বিনা শ্রীযুগলসেবা ।

বল দেখি কোন্ কালে পাইয়াছে কেবা ॥ ১৫৯ ॥

ললিতার বাক্য শুনি' অনঙ্গমঞ্জরী ।

রাখিবেন নিজকুঞ্জে নিজদাসী করি' ॥

যুগল-সেবার কালে সঙ্গিনী করিয়া ।

লইবে আমারে তেঁহ স্নেহ প্রকাশিয়া ॥ ১৬০ ॥

দূরে হৈতে নিজ কার্য্য করি সম্পাদন ।

হেরিব যুগলরূপ প্রিয়-দরশন ॥

কভু বা শ্রীমতী মোরে আজ্ঞা প্রকাশিয়া ।

দেখাইবে নিজ কৃপা পদছায়া দিয়া ॥ ১৬১ ॥

সেই' ত সেবায় আমি রব চিরদিন ।
ক্রমে সেবা-কার্যে আমি হইব প্রবীণ ॥
সেবার কৌশলে রাধাগোবিন্দ তুষিব ।
কভু কভু অলঙ্কার প্রসাদ লভিব ॥ ১৬২ ॥

স্বপ্ন-ভঙ্গে ধীরে ধীরে কাঁদিয়া কাঁদিয়া ।
ভাগীরথী পার হ'ব পুলিন দেখিয়া ॥
ঈষোত্তান-সন্নিকটে নিজ-কুঞ্জে বসি' ।
ভজিব যুগলধন শ্রীগোরাঙ্গ-শশী ॥ ১৬৩ ॥

স্বনিয়মে থাকি' রাধাগোবিন্দ ভজিব ।
রাধাকুণ্ড বৃন্দাবন সতত হেরিব ॥
অনঙ্গমঞ্জরীসখী-চরণ স্মরিয়া ।
নিজ-সেবানন্দে র'ব প্রেমেতে ডুবিয়া ॥ ১৬৪ ॥

শ্রীকৃষ্ণচৈতন্য প্রভুর দাস-অনুদাস ।
এ ভক্তিবিনোদ মাগে নবদ্বীপ-বাস ॥
রূপ-রঘুনাথ-পদে আকুতি করিয়া ।
নিজাতীষ্ট-সিদ্ধি মাগে ব্যাকুল হইয়া ॥ ১৬৫ ॥

নবদ্বীপ-বৃন্দাবন-ক্ষেত্রবাসিগণ ।
ঈশাঙ্কত্রে কর মোরে অচিরে স্থাপন ॥

তোমাদের ক্ষেত্র এই, আমি-মাত্র দাস ।
 তোমাসবা-সেবাচ্ছলে পাই ক্ষেত্রবাস ॥ ১৬৬ ॥
 নবদ্বীপ কর মোরে কৃপা-বিতরণ ।
 তব কৃপা বিনা ক্ষেত্র লভে কোন্ জন ॥
 আমার যোগ্যতা ল'য়ে না কর বিচার ।
 জাহুবানিতাই-আজ্ঞা করিয়াছি সার ॥ ১৬৭ ॥
 শ্রদ্ধায় পড়িবে যেই এ ভাব-তরঙ্গ ।
 উদিবে তাহার মনে গৌর-রস-রঙ্গ ॥
 শ্রীস্বরূপদামোদর তারে করি' দয়া ।
 লইবে নিজের গণে দিয়া পদছায়া ॥ ১৬৮ ॥

শ্রীনবদ্বীপ-ভাবতরঙ্গ সমাপ্ত ।

Available At :—

- (1) **Sri Chaitanya Saraswat**
 Math Kolerganj.
 P. O. Nabadwip, Dt. Nadia,
 West Bengal, India.

- (2) **Sri Chaitanya Saraswat**
 Krishnanushilana Sangha
 (Regd. No.—S 46506)
 487, Dum Dum Park,
 (OPP. tank no. 3)
 Cal.—700055 Phone:—57-3293.

- (3) **Sri Chaitanya Saraswat Asharam**
 Vill & P. O. Hapania,
 Dt: Burdwan, West Bengal.

- (4) **Sri Chaitanya Saraswata**
 Krishnanushilana Sangha
 Gourbarsahi, Swargadwar
 p. O. & Dt. Puri Orissa. India.

**Further publications and information are available
from the following centres world-wide :**

Sri Chaitanya Saraswat Math
49, Dinsdale Rd., Blackheath, London SE3, U. K.
Tel : (01) 853 1770

The August Assembly,
P. O. Box 132, Harrogate HG1 5UZ, U. K.
Tel : 423-530410

Sri Chaitanya Saraswat Mandal
62, South 13th Street, San Jose, Ca. 95112, USA.
Tel : (408) 9717477

Gaudiya Vaishnava Society
1307, Church Street, San Francisco, Ca. 94114,
USA Tel : (415) 6473037

Gaudiya Vaishnava Society
81-39 255 St., Floral Park, N. Y., USA. Tel: (718)
347 0784

5779 Byrne Rd., Burnaby, B. C., Canada.

Sri Chaitanya Saraswat Sridhara Sangha
Calle Cabriales, Quinta Ruzafa, Colina de Belle-
monte, Caracas, Vene-zuela. Tel : (02) 7520067

I. D. E. V.

Calle Razetti, Los Chaguaramos, Caracas I040,
Venezuela Tel : 662 7242

Instituto de Estudios Vedicos

Apartado Postal 647, Santo Domingo, Republica
Dominicana

Instituto Superior de Estudios Vedicos

Carrera 3a No. 54A-72, Bogota, Colombia

Instituto de Estudios Vedicos

Prolongacion Ave. España, Ensanche Perellot
No. 3, Santiago,

Republica Dominicana

Ave Acoce 320,04075 Moeme, São Paulo-Sp. Brazil

The Temple of Sriman Mahaprabhu

61, Kampong Pundut, Lumut 32200, Perak,
Malaysia Tel : (05) 935153

05-57 Block 10, Kempas Rd., Singapore 1233

850 N Reyes St., Sampaloc, Manila, Philippines

Neugebaudestrasse 39-41, 1110 Vienna, Austria

Sri Chaitanya Saraswat Math

Via Dandola 24, No. 41, Sc. B 00152 Rome, Italy
Tel : (58) 99422

Sportstraat 48-1, 1076 TX, Amsterdam, Holland

Frejgatan 6-708, S-114, 21 Stockholm, Sweden

Rozalia Czegledi, 6me du Fain, Paris 3, France

P. O. Box 40632, Redhill, N, 4071, Rep. of South-Africa

Piha P. O., Auckland, New Zealand

Publication from
Sri Chaitanya Saraswat
Math

শ্রীচৈতন্য-সারস্বত মঠ
হইতে প্রকাশিত ও প্রাপ্তব্য
গ্রন্থাবলী

1. শ্রীভক্তিরসামৃতসিন্ধু (পূর্বাধিভাগ ও দক্ষিণ-
বিভাগ)
2. শ্রীভক্তিরসামৃতসিন্ধু (পশ্চিমাধিভাগ ও
উত্তরাধিভাগ)
3. শ্রীশ্রীপ্রপন্ন জীবনামৃতম্
4. শ্রীশ্রীমদ্ভাগবত গীতা
5. শ্রীশরগার্গ্য
6. কল্যাণ-
কম্পতরু
7. শ্রীতত্ত্ববিবেক
8. শ্রীচৈতন্যদেবের বৈশিষ্ট্য
9. শ্রীকৃষ্ণকর্ণামৃত
10. গীতাভাবলী
11. পরমার্থ-
ধর্ম-নির্দেশ
12. উপদেশামৃত
13. অচর্চণ কণ
14. শ্রীগোড়ীয়-দর্শন
15. কীর্ত্তন-মঞ্জুষা
16. শ্রীকৃষ্ণ-
সংহিতার উপসংহার
17. শ্রীপ্রেমধাম-দেব-স্তোত্রম্
18. অমৃত বিদ্যা
19. শ্রীগোড়ীয় গীতাঞ্জলি
20. শ্রীগোড়ীয়-পূর্বাধিতালিকা
21. শ্রীকৃষ্ণানুশীলন-সম্ববাণী
22. শ্রীনবদ্বীপধাম-মাহাত্ম্য
23. শ্রীনবদ্বীপ ভাবতরঙ্গ
24. শ্রীনামতত্ত্ব-নামাভাস ও নামাপরাধ বিচার।
25. শ্রীনামভজন বিচার প্রণালী ।
26. Ambrosiā in the Lives of the Surrendered

Souls. 27. The Search for Śrī Kṛṣṇa: Reality
 The Beautiful (English, Spanish & Italian) 28.
 Śrī Guru & His Grace (Egn. & Spanish). 29.
 The Golden Volcano of Divine Love. (Eng.&
 Spanish) 30. Śrī Śrīmad Bhāgavad Gitā, The
 Hidden Treasure of the Sweet Absolute. 31. Śrī
 Śrī Prapanna Jivanāmritam (Life Nectar of The
 Surrendered Souls) 32. Loving Search For The Lost
 Servant(Eng.&Spanish) 33. Relative-World. 34. Śrī
 Prema Dhāma Deva Stotram (Beng. Hindi, Eng.
 Spanish, Dutch & French) 35. Reality By
 Itself & For Itself. 36. Levels of God Realiza-
 tion The Kṛṣṇa Conception. 37. Evidenciā. 38.
 Śrī Gaudiya Darsan. 39. The Bhāgavata. 40.
 Sādhu Sanga. (Monthly) 41. Lā Busquedā De
 Śrī Kṛṣṇa. 42. The Search 43. The Divine
 Message. 44. Haridās Thākur. 45. The
 Guardian of Devotion 46. Lives of The Saints
 47. Subjective Evolution. 48. Ocean of Nectar.
 49. Sermons of the Guardian of devotion. 50. The
 Maha-mantra.

Printer & Publisher—Sri Rāma Chandra
 Brahmachāry

Sri Chaitanya Saraswat Printing Works

Sri Chaitanya Saraswat Math

Kolerganj, P. O.—Nabadwip
 Dt. Nadia, West Bengal, India.